



PROGRAM PODRŠKE MARGINALIZIRANIM GRUPAMA (PPMG)

MART 2016.

ODRŽAN INFORMATIVNI SUSRET S KORISNICIMA GRANTOVA

Informativni susret sa korisnicima grantova dodijeljenih u okviru Programa podrške marginaliziranim grupama (USAID/PPMG), održan je 7. marta 2016. godine u hotelu Sarajevo.

Susretu su prisustvovali predstavnici 11 organizacija čiji su projekti podržani u okviru prethodno raspisana dva javna poziva: Inicijativa za promoviranje odgovorne deinstitucionalizacije osoba s invaliditetom (ODI) i Borba protiv trgovine ljudima (anti-TIP).

Nakon kraćeg uvodnog obraćanja direktora Programa

gosp. Jasmina Bešića prisutni su imali priliku ukratko predstaviti svoje projekte koje će implementirati uz podršku USAID/PPMG.

U okviru susreta, za korisnike grantova je pripremljena i kratka prezentacija vezana za finansijsko izvještavanje koja je imala za cilj olakšati korisnicima budući rad.

Predstavnici/e organizacija iskoristili su priliku da, u sklopu diskusije, postave brojna pitanja koja su im pomogla da shvate šta se u sklopu finansijskog izvještavanja očekuje od svake organizacije.



Korisnici grantova prilikom kratkog predstavljanja

SADRŽAJ

Održan informativni susret s korisnicima grantova	1
Izvršena primopredaja sportskih invalidskih kolica i sportske opreme Ž.K.K. u K. „Bambi“	2
Osobe s invaliditetom će imati priliku za dodatnu edukaciju i staziranje	3
Polaznici/e učili o osnovama upravljanja projektnim ciklusom i pisanju projektnih prijedloga	4



Tim za organizacijski razvoj tokom susreta je prezentirao brojne alate koji će korisnicima grantova pomoći da izvrše procjenu kapaciteta organizacije ali i da olakšaju proces monitoringa i evaluacije projekata.

Na sastanku je istaknuta važnost ozbiljnog pristupa i kontinuiranog rada kako bi se postigli očekivani ciljevi i rezultati predviđeni projektima. Također, najavljeni su i posjete organizacijama u sklopu kojih će projektni tim pružati podršku organizacijama ali i vršiti monitoring realiziranih projektnih aktivnosti.

IZVRŠENA PRIMOPREDAJA SPORTSKIH INVALIDSKIH KOLICA I SPORTSKE OPREME Ž.K.K. U K. „BAMBI“

U okviru događaja „Sve na jednom mjestu 4 - #BitnaSam“, održanog 29. marta u prepunoj sportskoj sali Gimnazije „Dobrinja“ i Sportske gimnazije, izvršena je svečana predaja na upotrebu sportskih invalidskih kolica i sportske opreme Ženskom košarkaškom klubu u kolicima „Bambi“. Svečanu predaju na upotrebu nabavljene opreme članicama kluba izvršila je Ambasadorica SAD-a u Bosni i Hercegovini gospođa Maureen Cormack.

Ambasadorica Cormack je prilikom obraćanja prisutnima istakla da svaka žena i djevojčica trebaju imati pravo na učešće, na izgradnju vještina i povjerenja koji dolaze sa bavljenjem timskim sportovima, te da promijene način na koji ih društvo vidi: kao jake, sposobne, pokretne i osnažene individue.

U ime kluba „Bambi“ prisutnima se obratila i predsjednica kluba Šefika Skorupan koja je izrazila zahvalnost Vladi





SAD-a, gospođi Maureen Cormack i direktoru misije USAID-a u BiH Peteru Duffyju što su im omogućili da imaju profesionalnu opremu za bavljenje košarkom u kolicima. Ž.K.K. u K. „Bambi“ je jedini ženski košarkaški klub u kolicima u našoj zemlji. lako se mogu takmičiti samo u konkurenciji sa muškim kolegama, ove aktivne mlade žene su odlučne u nakani da njihov klub opstane. Najveći problem sa kojim se klub u prethodnom periodu suočavao jeste nedostatak sportskih invalidskih kolica neophodnih za lakše i uspješnije bavljenje košarkom u kolicima.

USAID/PPMG je prepoznao njihov problem te u okviru ugovora o dodjeli granta, potписанog 29. oktobra 2015. godine, obezbijedio nabavku novih sportskih invalidskih kolica za košarku za sve članice kluba „Bambi“. Pored sportskih invalidskih kolica, USAID/PPMG je obezbijedio i sportsku opremu potrebnu za rad kluba - trenerke, patike, majice, torbe, te drugu sportsku i tehničku opremu neophodnu za rad kluba.

USAID/PPMG je klubu „Bambi“ obezbijedio i prostor za izvođenje redovnih trenažnih aktivnosti zakupom sportske sale za naredne dvije sezone.

Aktivno učešće kluba u nacionalnom prvenstvu osigurano je kroz uplatu kotizacije za takmičenje koje organizira Savez košarke u kolicima Bosne i Hercegovine. Klub je uplaćena kotizacija za naredne dvije sezone.

OSOBE SA INVALIDITETOM ĆE IMATI PRILIKU ZA DODATNU EDUKACIJU I STAŽIRANJE

Projekt ima za cilj da doprinese boljim životnim uslovima teško zapošljivih osoba, te im na taj način omogući da ostvare svoje pravo na rad, stažiranje i zapošljavanje. Pored toga, projektom se nastoji povećati nezavisnost osoba sa invaliditetom, unaprijediti njihove profesionalne vještine i ojačati njihove kapacitete kako bi bili konkurentniji na tržištu rada.



Također, jedan od ciljeva jeste i utjecati na promjenu svijesti javnosti spram osoba sa invaliditetom i njihovu destigmatizaciju, pogotovo u domenu radnih sposobnosti i vještina. Direktni korisnici projekta biće 30 osoba sa invaliditetom sa područja Kantona Sarajevo koji će u narednih godinu dana učestvovati u procjeni radnih sposobnosti, unaprijeđenju profesionalnih vještina kroz različite edukacije, te stažirati određeni vremenski period na poslovima u ambasadi SAD-a u BiH. Vrijednost projekta je 30.000 USD. Predstavnici Programa podrške marginaliziranim grupama su ovom prilikom posjetili i novoizgrađene prostorije Centra za podršku osobama sa invaliditetom u Hotonju, općina Vogošća, u kojemu će biti realizirana velika većina projektnih aktivnosti.

U Sarajevu je 29. marta potpisana Ugovor o dodjeli granta između Američke agencije za međunarodnu saradnju (USAID) i Udruge „ProReha“ – Centru za profesionalnu rehabilitaciju, prekvalifikaciju i osposobljavanje osoba sa invaliditetom i drugih teško zapošljivih kategorija. USAID-ov Program podrške marginaliziranim grupama (USAID/PPMG) finansirat će projekt „Edukacije i stažiranja osoba sa invaliditetom“ koji će na području Sarajeva implementirani Udruga „ProReha“.



U Centru će se provoditi procjena radnih sposobnosti, edukacije, prekvalifikacije, usavršavanje profesionalnih vještina, kao i sve druge pripremne aktivnosti za upošljavanje osoba sa invaliditetom.

Centar posjeduje i smještajne kapacitete za cijelodnevni smještaj određenog broja osoba sa onesposobljenjem. Potpisivanju ugovora prisustvovali su i korisnici usluga Centra koji su istakli zadovoljstvo početkom realizacije projekta koji će im omogućiti stjecanje novih vještina, znanja ali i neophodnog radnog iskustva u cilju povećanja šansi za zaposlenje.



POLAZNICI/E UČILI O OSNOVAMA UPRAVLJANJA PROJEKTNIM CIKLUSOM I PISANJU PROJEKTNIH PRIJEDLOGA

U Konjicu je u periodu od 30.3.-1.4.2016.g. održan trening o temi Upravljanje projektnim ciklusom-Pisanje projektnih prijedloga.

Treningu su prisustvovala/e 24 predstavnika/ce iz 14 organizacija koja se bave pitanjima osoba s invaliditetom. Ovaj trening bavio se načinom upravljanja projektnim ciklusom. Kako je istakao trener, gosp. Zlatko Sarić tema je aktuelna i „govori o načinima kreiranja projektnog prijedloga te uspostavlja novi način razmišljanja koji je

prijeko potreban i za pisanje projekta ali i za neke druge procese donošenja odluka u okviru organizacije“.

Na početku treninga učesnici/e su s trenerom definirali šta je to projekt i šta sve podrazumijeva upravljanje projektnim ciklusom. Razmatrajući faze projektnog ciklusa učesnici/e su se upoznali s dokumentima i odlukama koje su značajne i koje prate svaku fazu projektnog ciklusa. Analizirajući probleme i ciljeve složili su se da je analiza itekako značajna za kreiranje logičkog okvira.

Koristeći zanimljive metode i vježbe trener je na jednostavan način učesnicima/ama objasnio važnost razlikovanja problema, resursa, aktivnosti, rezultata, svrhe




i opšteg cilja projekta za određivanje interventne logike. Kako bi jednostavnije razumjeli fazu planiranja projekta učesnici/e su radom u grupi definirali logički okvir, utvrđivali prepostavke, pokazatelje uspjeha ali i izvršili opis problema projekta.

Tema trećeg dana treninga bio je budžet. Nakon kratkog uvoda o tome šta je to budžetiranje, učesnici su kroz različite vježbe spoznali koji su to sve nivoi održivosti projekta i koje su sve greške u pisanju projekta i njegovog budžeta.

„Tema je aktuelna i govori o načinima kreiranja projektnog prijedloga te uspostavlja novi način razmišljanja koji je prijeko potreban i za pisanje projekta ali i za neke druge procese donošenja odluka u okviru organizacije“.

Zlatko Sarić, trener



USAID - Program podrške marginaliziranim grupama (PPMG)
Program provodi Institut za razvoj mladih KULT
u partnerstvu sa NGO & BUSINESS AUDIT d.o.o.
Ul. 4. viteške brigade 34-36 • 71210 Ilidža • Bosna i Hercegovina
T: +387 33 778 766
F: +387 33 778 779
www.ppmg.ba